

RI YUKENEL VUJ
RICHIN RI
TZOBAJ



Copyright © 1977 by Corporation of the President of
The Church of Jesus Christ of Latter-day Saints.
All rights reserved.
Derechos reservados.

Banatajinek pe roma ri Ruk'ataj ri Jesucristo quichin ri Chojlaxela'
chupan ri Ruq'uisibel tak K'ij, Salt Lake City, E.U.A.

RI C'O CHUPAN RE VUJ:

	Ruxak
Ri Nabey Rubixic	2
Ri Ric'a'tz y ri Rünuc'ubelri'il ri Tzobaj	3
Ri Yukenel chupan ri Tzobaj	3
Ri Samaj richin ri Aj Chicajel Uchuk'a' chupan ri Tzobaj	5
<i>Ri Tata'aj</i>	5
<i>Ri Vinek Quiyon</i>	5
<i>Ri Ruyukenel ri Tzobaj chupan ri Aj Chicajel Uchuk'a'</i>	5
<i>Ri Ch'abenic riq'uin ri Yukenel</i>	6
Ri Rubaniquil tok ri Tzobaj Nuben Achi'el Juramaj K'ataj	7
<i>Ri Molojri'il</i>	7
<i>Ri Jay</i>	8
<i>Ri Vuj ri e c'o Chikato'ic</i>	8
<i>Ri C'astanic tak Banobel</i>	8
<i>Ri Puek</i>	9
<i>Ri Rutzijoxic ri Banobel</i>	9
C'atzinel chi Yetijox ri Yukenela'	11
Ri Takbel	11
<i>Ri Aj Chicajel Uchuk'a' Richin ri Aarón</i>	11
<i>Ri Aj Chicajel Uchuk'a' Richin ri Melquisedec</i>	12
Ri Ruq'uisibel Rubixic	13
Ri Lok'olej Tz'ibanic	13

NABEY RUBIXIC

Acuchi e c'ó ca'í o mas chinamit o vinek ri e c'ó chupan ri K'ataj pa jun c'ojlibel, janíla utz niqimol qui', y junan niqiya' ruk'ij ri Dios.

Ri Colonel xubij quere':

"... ri acuchi e c'ó vi jun, ca'í, oxí' quimolon qui' pa nubi', chiri' in c'ó vi pa quinic'ajal."

(Mateo 18:20)

Ojer can, ri Ajaf xerumol ri e tzekelebeyon richin, y xuben jun molaj rubini'an ri Ruk'ataj. Jari' xuben richin queri', ri vinek ri e c'ó chupan yeto'ox richin niqetamaj chi utzil ronojel ri xutzijoj ri Jesucristo, y niqiben.

Queri' c'a chuka' vacami, conojel ri e c'ó chupan ri Ruk'ataj ri Jesucristo quichin ri Chojlaxela' chupan ri Ruq'uisibel tak K'ij, nibitej chique chi tiqimol qui' binakel, richin niqito' qui' richin yec'ase' chupan ri utzilej rutzijol.

Re jun yukenel vuj re' banon can chiquito'ic ri vinaki' y ri chinamit richin niqimol qui', y niqiben achi'el juramaj K'ataj. Tok ri e tz'iban vave' yetakex chi utzil, ri vinaki' y ri chinamit mas jebel xtiquetamaj richin niqiben ri nabey tak samaj richin ri Aj Chicajel Uchuk'a'. Ri' e jare':

1. Ri chinamit y chiquijujunal ri vinaki' niqinuc' apon qui'.
2. Niqich'abalij ri utzilej rutzijol.
3. Niqito' chiquitzekexic ri quichinamit ri e q'ues, y ri e caminek.

TATZU': Chupan re vuj re' yojch'ó chirij oxí' vuj quibini'an Ri Vuj richin ri Mormon, Ri Ruxe'el Tijonic y ri C'ulanen Tzij, y Ri Jebelilej Abej ri Nim Rajel. Ri vuj ri' man e k'axan ta chic pa Cakchiquel. Man riq'uin vi ri', chupan re yukenel vuj re', kacusan jun ca'í oxí' mocaj quichin ri oxí' vuj ri'. Romari', kak'axan pa Cakchiquel ri mocaj ri' y katz'iban pa ruq'uisibel richin re vuj re'.

RI RIC'A'TZ Y RI RUNUC'UBELRI'IL RI TZOBAJ

Utz nibanatej jun Tzobaj tok e c'o ca'i' o mas chinamit o vinaki' pa jun c'ojlibel y jun chique rije' uc'uayon chi utzil ri Aj Chicajel Uchuk'a' richin ri Melquisedec. Jari' nibanatej roma ri vixalonic richin ri Ruche'el K'ataj, o ri Ruxe'el K'ataj, o ri Ruxatat K'ataj.

Jun Tzobaj, jari' juramaj K'ataj. Ri vi'xalonic richin ri Ruche'el K'ataj, o ri Ruxe'el K'ataj, o ri Ruxatat K'ataj chuka' niqic'uaj rubey ri Tzobaj.

Ninuc'utej ri Tzobaj richin yeruto' ri vinaki' richin queri' niqiben ri nabey tak samaj richin ri Aj Chicajel Uchuk'a'. Ri' e jare': (1) Ri chinamit y chiquijujunal ri vinaki' niqinuc' apon qui'. (2) Niquich'abalij ri utzilej rutzijol. (3) Niquito' chiquitzekexic ri quichinamit ri e q'ues, y ri e caminek. Ronojel ri niqibanala' ri vinaki' chupan jun Tzobaj, jari' nic'atzin chi niqito' ri chinamit. Man riq'uin vi c'a ri', man utz' ta chi nic'oje' vi pa ruq'uexel ri chinamit.

RI YUKENEL CHUPAN RI TZOBAJ

Jun chique ri e uc'uayon ri Aj Chicajel Uchuk'a', vi rija' jun Teuchunel, o vi ruc'uan ri Aj Chicajel Uchuk'a' richin ri Melquisedec, rija' noyox c'a richin noc ri ruyukenel ri Tzobaj chupan ri Aj Chicajel Uchuk'a'. Rija' noyox y nijech'ex coma ri yukenela' richin ri Ruche'el K'ataj, o ri Ruxe'el K'ataj, o ri Ruxatat K'ataj. Rija' chuka' nutzijoj ri rubanobal chique rije'.





RI SAMAJ RICHIN RI AJ CHICAJEL UCHUK'A' CHUPAN RI TZOBAJ

RI TATA'AJ

Ri tata'aj c'o chi nuc'uaj rubey ri ruchinamit richin niquiben ri nabey tak rusamaj ri Aj Chicajel Uchuk'a'. Tok man c'o ta tata'aj, ja ri te'ej ri ejkalen richin nuc'uaj rubey ri ruchinamit richin niquiben re samaj re'.

Ri tata'aj yeruto' conojel chupan ri ruchinamit richin niquinuc' apon qui'. Tubana' c'a quere':

1. Queruto' c'a ri chinamit riq'uin ri ruch'abel ri Dios, richin niquisol rij ri quic'ayeval y ri itzel tak yuk'bel chupan

ri quic'aslen. Riq'uin c'ari', quec'oje' na c'a riq'uin quicoten, y niquic'uaj jun utzilej c'aslen.

2. Queruto' c'a conojel ri e c'o pa ri chinamit richin queri' jantape' c'o quitziak, ri quiva'in, y ri c'ojlibel acuchi yec'oje' vi tok c'o vayijal, o ri manek quisamaj, o tok c'o yabil. Que c'a chuka' ri', tok manjun quic'ayeval.

Ri tata'aj nic'atzin chi nuc'uaj rubey ri ruchinamit richin niquich'abalij ri utzilej rutzijol chique ri ch'aka' chic vinek. Ri ch'abalinela' utz niquito' ri chinamit riq'uin re samaj re'.

Ri tata'aj, ja rija' ejkalen richin ri e c'o chupan ri ruchinamit niquiben ronojel ri yetiquir chuto'ic ri quitzeketajic ri e q'ues y ri e caminek. Jare' nibec'ulun chikavech chi ri chinamit c'o chi jantape' niquetamaj y niquiben ronojel ri nubij ri rutijonic y ri rutakbal ri utzilej rutzijol. (Riq'uin c'ari', yecolotej na ri e q'ues). Chuka' nic'atzin chi rije' niquicanoj ri quibi' ri ojer tak quite' quitata'. C'ari', c'o chi niquiben ri c'atzinel samaj chupan ri Lok'olej Runimajay ri Ajaf pa quibi' rije'. (Riq'uin c'ari', yecolotej ri e caminek.) Chuka', rije' nic'atzin chi niquitz'ibaj jun tzijonic pa ruvi' ri quibanalon chupan ri quic'aslen.

RI VINEK QUIYON

Ri vinek quiyon chupan ri K'ataj ri man e c'ulan ta, o nej c'o vi ri cachoch, o xa e c'o pa quiyonil, rije' chuka' e ejkalen richin niquiq'uen pe chire ri quic'aslen ronojel ri nic'atzin chire ri quich'acul, y chuka' chire ri cuxlabal. Chuka' richin niquich'abalij ri utzilej rutzijol chique ri ch'aka' chic vinaki'. C'o c'a chuka' chi niquiya' achique ri nic'atzin chique ri e q'ues y ri e caminek chupan ri quichinamit richin chi yetzeketej.

RI RUYUKENEL RI TZOBAJ CHUPAN RI AJ CHICAJEL UCHUK'A'

Ri yukenel richin ri Tzobaj c'o chi yeruchajij conojel ri e c'o chupan

ri Tzobaj. C'o c'a chuka' chi yerachibalaj, y nuya' cuchuk'a', y yeruk'ejela' binakel pa tak cachoch. Chuka' rija' yerupixabaj richin niquben lok'olej ch'oven pa quiyonil, y chuka' quiq'uin ri quichinamit, y chuka' richin niquben ronojel ri rusamaj ri chinamit. Jari' ri nabey samaj richin ri Aj Chicajel Uchuk'a'. (Tatzu' Ri Ruxe'el Tijonic y ri C'ulanen Tzij 20:46-52.) *Can jari' ri ruchajinic ri chinamit.* Ri ruyukenel ri Tzobaj, utz yeroyoj ri tata'aj o ch'aka' chic ri e c'o pa chinamit, richin niquto' riq'uin ri rusamaj. Rija' jantape' ruc'amon chi c'o jun rachibil tok yeruk'ejela' ri vinek pa cachoch. (Mas utz vi ri rachibil ri' jun uc'uayon richin ri Aj Chicajel Uchuk'a'.)

RI CH'ABENIC RIQ'UIN RI YUKENEL.

Ri ruyukenel ri Tzobaj nic'atzin chi nuc'ul ri' ronojel ic' quiq'uin chiquijunal ri e uc'uayon rubey ri chinamit. Ri uc'uayon rubey ri chinamit, jari' ri tata'aj, o chuka' ri te'ej, o ri vinek pa ruyonil. Ri uc'uayon rubey ri chinamit, nic'atzin chi nuk'alajirisaj ri rubanon rija' y ri ruchinamit, pa quivi' ri nabey tak samaj richin ri Aj Chicajel Uchuk'a'. Rija' chuka' utz nuc'utuj richin nito'ox chubanic ri rusamaj chupan ri ruchinamit. *Re jun ti molojri'il re', jari', rubini'an ri ch'abenic riq'uin ri yukenel.*

Re jun ti molojri'il re' janila jebel richin chi ri yukenel chupan ri Aj Chicajel Uchuk'a' yerutijoj ri tata'aj ri e c'o chupan ri Tzobaj, y richin nusakirisaj juba' ri quinojibal. Stape' c'a ri tata'aj manek c'o ta chupan ri K'ataj, c'a utz na chi ri yukenel chupan ri Aj Chicajel Uchuk'a' nutij ruk'ij richin nuc'ul juba' ri' riq'uin, y nich'o riq'uin chirij achique modo ri K'ataj xtuto' na rija' riq'uin ri ruchinamit.

Jare' ri rubaniquil re ti molojri'il re':

1. Tac'ulu' c'a pe chi utzil ri uc'uayon rubey ri chinamit. (Ja c'a ri tata'aj, o ri te'ej, o ri vinek pa ruyonil.)

2. Tabana' jun lok'olej ch'oven richin natiquiriba'.

3. Ri vinek nutzijoj chave achique rubanalon y ri rujotobenon rija' riq'uin ri ruchinamit.

4. Tato' c'a rija' richin nutz'ibaj jun o ca'ii' achique nrajo' nuben riq'uin ri ruchinamit chupan ri ic' ri petenek apon. (Nikaya' c'ambel tzij: xtiquben ri lok'olej ch'oven richin ri chinamit ronojel k'ij.)

5. Tava'axaj c'a apon vi rija' nrajo' chi nato' chubanic ri rusamaj riq'uin ri ruchinamit.

6. Taya' c'a ruk'ij roma ri utz rubanon can.

7. Tabij chire ri uc'uayon rubey ri chinamit ronojel ri nic'atzin chi nuben, richin nik'ax pa ruvi' ri rusamaj chupan ri ruchinamit.

8. Tabij ri ajiquibanic chire chirij ri nimalej ric'a'tz ri chinamit, y chirij ronojel ri nipe chicaj chikato'ic roj.

Ri yukenel richin ri Tzobaj nic'atzin chi nuc'uaj quibey ri tata'aj y ri chinamit richin queri' yesamej junan chubanic ri nabey tak samaj richin ri Aj Chicajel Uchuk'a'.

Ri yukenel richin ri Tzobaj, chuka' nic'atzin chi nich'o binakel quiquin ri yukenela' richin ri Ruche'el K'ataj, o ri Ruxe'el K'ataj, o ri Ruxatat K'ataj. Rije' niquto' c'a chubanic ri samaj richin ri K'ataj chupan ri Tzobaj.

RI RUBANIQUIL TOK RI TZOBAJ NUBEN ACHI'EL JURAMAJ K'ATAJ

RI MOLOJRI'IL

Ri Molojri'il richin ri Lok'olej Va'in

Ri vinaki' y ri chinamit chupan ri Tzobaj xtiqumol qui' ronojel domingo chupan ri molojri'il richin ri lok'olej va'in. Ri yukenela' richin ri Ruche'el K'ataj, o ri Ruxe'el K'ataj, o ri Ruxatat K'ataj niquiya' k'ij richin niban re molojri'il re'. Ri ruyukenel ri Tzobaj, ja rija' c'o pa ruvi' re molojri'il re'. Re jun molojri'il re', jari' ri c'o pa ruquexel ri tok nijach ri lok'olej va'in chupan chiquijunal ri chinamit.



Ri lok'olej va'in niturusex y nijach chique ri e c'o chupan ri Tzobaj. Tatz'eta' c'a *Ri Quivuj ri Yukenela' chupan ri Aj Chicajel Uchuk'a'*. Chiri' c'a, navil achique ri rusamajixic ri lok'olej va'in.

Nic'atzin chi ri yukenela' chupan ri Aj Chicajel Uchuk'a' ri e ruc'amon, niquic'ul jun k'atbel tzij pa quichi' ri yukenela' richin ri Ruche'el K'ataj, o ri Ruxe'el K'ataj, o ri Ruxatat K'ataj. Queri' utz yebanatej ri ch'aka' chic takbel vi queri' nic'atzin.

Jare' ri rubaniquil ri molojri'il richin ri lok'olej va'in:

C'utbel tzij

Nabey bix.

Nabey lok'olej ch'oven.

Ri rutzijol y ri c'atzinel tak na'oj.

Ri bix richin ri lok'olej va'in.

Ri rusamajixic ri lok'olej va'in.

Ri yech'o.

Ruq'uisibel bix.

Ruq'uisibel lok'olej ch'oven.

Segun vi nim o vi co'ol ri Tzobaj, c'ari' ri molojri'il richin ri lok'olej va'in utz niyaloj 30 minutos o jun hora riq'uin nic'aj.

RI JAY

Nic'atzin chi ri e c'o chupan ri Tzobaj niquimol qui' ronojel domingo pa rachoch jun chique ri e c'o chupan ri Tzobaj.

RI VUJ RI E C'O CHIKATO'IC

Ri nabeyilej vuj ri yecusex chupan ri K'ataj e jare':

1. Ri lok'olej tz'ibanic.


2. Ri ti vuj ri e richin ri ch'abalinic.

3. *Ri Yukenel Vuj richin ri Chinamit.*

4. Ch'aka' chic tak vuj ri e rubanon ri K'ataj.

RI C'ASTANIC TAK BANOBEL

Can e utz vi ri c'astanic tak banobel. Ja ri yukenel richin ri Aj Chicajel Uchuk'a' uc'uayon quibey. E c'o q'uiy tak c'astanic banobel ri E c'o ri biyinen, o ri va'in pa jun c'ojlibel, o ri ak'a' richin k'oyo'n y ch'aka'. Conojel re c'astanic re' nic'atzin chi niban ri quichojmil, richin chi jantape' yequito' ri e c'o chupan ri chinamit richin chi mas niquitun qui', y chi tic'oje' mas cuchuk'a', y mas cajovabal. Ri vinaki' quiyon oc que'oyox chuka' c'a richin niquic'uluman apon quiq'uin ri chinamit.



RI PUEK

Ri lajujitakil, y ri sujubel richin mevay, y ri ch'aka' chic sujubel puek, nic'atzin chi yeya'ox roma ri chinamit o ri vinek chique ri yukunela' richin ri Ruche'el K'ataj, o ri Ruxe'el K'ataj, o ri Ruxatat K'ataj. Ri yukenel richin ri Tzobaj, man ja ta rija' ri nibanon ri ruchojmil ri puek ri'.

RI RUTZIJOXIC RI BANOBEL

Ri yukenel richin ri Tzobaj chupan ri Aj Chicajel Uchuk'a' nutz'ibaj jun retal banobel pa jampe' tak ic', y nujech chique ri yukenela' richin ri Ruche'el K'ataj, ri Ruxe'el K'ataj, o ri Ruxatat K'ataj.

Rija' nic'atzin chi nuben jun ch'abenic ronojel ic' riq'uin ri ruyukenel. Chiri' c'a, rija' nutzijoj ri rubanobal ri Tzobaj, y ri rujotobenel, y chuka' ronojel ri nic'atzin chique ri e c'o chupan ri Tzobaj ri'. Chiri' c'a chuka', nuc'ul rija' tijonic, y nibitej chire ri achique nic'atzin chi nuben.



C'ATZINEL CHI YETIJOX RI YUKENELA'

Ri yukenela' richin ri Ruche'el K'ataj, o ri Ruxe'el K'ataj, o Ruxatat K'ataj nic'atzin chi yequitijoj chiquijujunal ri yukenela' richin ri Tzobaj.

Nic'atzin chi yetijox chiquijujunal ri yukenela' chique ri oxí' nabey samaj richin ri Aj Chicajel Uchuk'a' y ri rubaniquil ri yeruto' ri vinaki' y ri tata'aj, richin queri' rije' chuka' niquiben re samaj re'. Chiquijujunal chuka' nic'atzin chi yetijox chire ri rubanic ri niquic'uaj rubey ri Tzobaj, richin queri' ri Tzobaj nuben achi'el juramaj K'ataj. Ri yukenela' richin ri Ruche'el K'ataj, o ri Ruxe'el K'ataj, o ri Ruxatat K'ataj, rije' c'o chi niquiben chi ri ruyukenel ri Tzobaj c'o ronojel ri nic'atzin chire, richin nretamaj ri rusamaj, y richin nuben chi utzil.

RI TAKBEL

Tatz'eta' c'a ri tanaj rubini'an RI TAKBEL chupan *Ri Quivuj ri Yukenela' chupan ri Aj Chicajel Uchuk'a'*. Chiri' c'a, xtavil mas rubixiquil chiquij re takbel re'.

RI AJ CHICAJEL UCHUK'A' RICHIN RI AARON

Ri yukenela' chupan ri Aj Chicajel Uchuk'a' niquic'uaj quibey conojel ri takbel ri yebanatej coma ri e uc'uayon ri Aj Chicajel Uchuk'a' richin ri Aarón.

Ronojel nibanatej riq'uin ruchojmilal. Nic'atzin chi niban can pa ruchojmil, y pa ruch'ajch'ojil, y riq'uin janila ruk'ij. Ri e banayon richin jun takbel, nic'atzin chi utz yevachin, y ch'ajch'oj ri quitziak, y chi niquic'uaj utzilej quic'aslen, richin queri' ri Uxlabixel nuc'uaj quibey.

Ri turusanic richin ri lok'olej va'in, y ri lok'olej ch'oven richin ri kasanic chuxe' ya', c'o quibanic e ya'on can chike roma ri lok'olej k'alajirisanic. Ja c'a ri lok'olej ch'oven ri nibitej richin nik'axex ri Aj Chicajel Uchuk'a' richin ri Aarón, o richin nitak jun achin pa jun samaj chupan, manek jun ch'oven jiquiban chique.

1. Ri rurusanic ri lok'olej va'in.
 - a. *Niban coma ri Teuchunela', o ri e uc'uayon ri Aj Chicajel Uchuk'a' richin ri Melquisedec.*
 - b. *Ri ruyukenel ri Tzobaj nuya' ruk'atbel tzij chubanic.*
2. Rujachic ri lok'olej va'in.
 - a. *Niban coma ri e uc'uayon ri Aj Chicajel Uchuk'a' richin ri Aarón, o ri Aj Chicajel Uchuk'a' richin ri Melquisedec.*
 - b. *Ri ruyukenel ri Tzobaj nuya' ruk'atbel tzij chubanic.*

3. Ri kasanic chuxe' ya'.
 - a. *Niban coma ri Teuchunela', chuka' coma ri e uc'uayon ri Aj Chicajel Uchuk'a' richin ri Melquisedec.*
 - b. *Ri ruyukenel ri Tzobaj y chuk'a' ri vi'xal richin ri Ruche'el K'ataj, ri Ruxe'el K'ataj, o ri Ruxatat K'ataj niquiya' ri ruk'atbel tzij chubanic.*
4. Ri ruk'axaxic ri Aj Chicajel Uchuk'a' richin ri Aarón y ri rutakic pa jun samaj chupan.
 - a. *Niban coma ri Teuchunela', y chuka' coma ri e uc'uayon richin ri Aj Chicajel Uchuk'a' richin ri Melquisedec.*
 - b. *Ri yukenel richin ri Tzobaj, y chuka' ri vi'xal richin ri Ruche'el K'ataj, ri Ruxe'el K'ataj, o ri Ruxatat K'ataj niquiya' ruk'atbel tzij chubanic.*

RI AJ CHICAJEL UCHUK'A' RICHIN RI MELQUISEDEC

Ri uc'uayon richin ri Aj Chicajel Uchuk'a' richin ri Melquisedec utz nuben ronojel ri takbel ri e tz'iban vave' tok niya'ox ruk'atbel tzij chire, roma ri vi'xal richin ri Ruche'el K'ataj, o ri Ruxe'el K'ataj, o ri Ruxatat K'ataj, y chuka' roma ri ruyukenel ri Tzobaj.

1. Ri kasanic chuxe' ya'.
2. Ri rujiqibaxic jun vinek chupan ri K'ataj.
3. Ri ruk'axaxic ri Aj Chicajel Uchuk'a', y ri rutakic pa jun samaj chupan.
4. Ri ruya'ic ri rubi' jun ti ne'y o jun ac'ual ri manjani ruq'uis vakxaki' rujuna'.

Ri uc'uayon richin ri Aj Chicajel Uchuk'a' richin ri Melquisedec ri ruc'uan chuka' jun utzilej c'aslen, rija' utz nuquil y nuturusaj ri niyavej chupan ri ruchinamit rija', y man nic'atzin ta chi niya'ox ruk'atbel tzij chire. Juba' man conojel mul ruc'amon chi ri ruyukenel ri Tzobaj noyox tok yec'utux turusanic chique ch'aka' chic vinaki' ri man e aj pa rachoch ta ri achin ri'.

Jun tata'aj utz nuya' jun turusanic richin tata'aj chique ri ruchinamit rija', y man nic'atzin ta chi nuc'utuj ri k'atbel tzij chire ri ruyukenel ri Tzobaj.

RI RUQ'UISIBEL RUBIXIC

Tok ri chinamit y ri vinaki' chiquijujunal niqetamaj ri nabey tak samaj richin ri Aj Chicajel Uchuk'a', y niqiben chi utzil, jari' nuben chi ri Ruk'ataj ri Jesucristo c'o ruchuk'a', y niq'uiy chi utzil. Tok ri chinamit y ri vinaki' chiquijujunal niqimol qui' riq'uin ajovabel, y riq'uin ri rayibal richin niqisamajij qui', jari' nuq'uen pe jun uchuk'a' janíla jebel, y jun utzilej achibilanic.

Quere' xutz'ibaj jun profeta:

"Kitzij c'a chi janíla utz y janíla jebel tok ri cach'alal qui' junan e c'o vi y junan ri quinojibal."

(Salmos 133:1.)

RI LOK'OLEJ TZ'IBANIC

RI RUXE'EL TIJONIC Y RI C'ULANEN TZIJ

Tanaj 20, mocaj 46, c'a pa ri mocaj 52

"Ri rusamaj ri Teuchunel jari' richin nich'abalin, nitijon, nik'alajjirisan, nipixaban, y nuben ri kasanic chuxe' ya', y nusamajij ri lok'olej va'in.

"Ja chuka' ri', richin yeberuk'ejela' ri quichinamit chiquijujunal ri e c'o chupan ri K'ataj, y yerupixabaj richin yech'o ak'anij riq'uin ri Dios tok e c'o junan y chuka' pan eval, y chuka' richin niqiben ronojel ri ruc'amon chupan ri chinamit.

"Niya'ox c'a chuka' k'ij chire richin yerutek ch'aka' chic, richin ye'oc Teuchunela', Tijonela', y To'onela'.

"Ruc'amon c'a chi rija' nuc'uaj rubanic ri molojri'il tok manek jun Runimakul chiri'.

"Man riq'uin vi ri', tok c'o jun Runimakul, ri Teuchunel xaxe nich'abalin, nitijon, nik'alajjirisan, nipixaban, y nuben ri kasanic chuxe' ya'.

"Chiri' c'a chuka' ruc'amon chi yeberuk'ejela' ri quichinamit chiquijujunal ri e c'o chupan ri K'ataj y yerupixabaj richin yech'o ak'anij riq'uin ri Ajaf tok e c'o junan y chuka' pan eval, y chuka' chi niqiben ronojel ri ruc'amon chupan ri chinamit.

"Riq'uin ronojel re', ri Teuchunel c'o c'a chi nuto' ri Runimakul, vi nic'atzin c'a chire."